

Ráiteas Straitéise - Tuarascáil ar Dhul chun cinn 2013

Clár Ábhar

	Leathanach
Brollach	2
Réamhrá leis an Ard-Stiúrthóir	3
An t-eolas is deireanaí ar na príomhthosaíochtaí mar a sonraíodh iad sa Ráiteas Straitéise 2012-2014	4
Aguisíní:	
Aguisín 1 Laghdú ar Tomhais Usáide Fuinneamh	26
Aguisín 2 Cairt Eagraíochta an CSO	27

Brollach


Fáiltím roimh an dara tuarascáil seo ar an Ráiteas Straitéise 2012-2014 atá ullmhaithe ag an CSO. Chuir sé áthas orm a fheiceáil go bhfuil a lán dul chun cinn déanta in 2013 ar na spriocanna atá leagtha amach sa Ráiteas Straitéise.



Fáiltím roimh fhoilsiú an doiciméad straitéise fadtéarmaí de chuid an CSO, CSO 2020, a seoladh in 2013. Leis an bhforbhreathnú seo ar an bhfadtéarma cuirfear comhthéacs ar fáil i dtaobh na n-athchóirithe atá ag teastáil chun dul i ngleic leis na dúshláin a bheidh, gan rómhoill, roimh phobal na staitisteoirí agus a chuireann an CSO i gcroílár an Chórais Staidrimh in Éirinn.

Sa chomhthéacs seo is céim chun cinn shuntasach é foilsiú Cód Cleachtais an Chórais Staidrimh in Éirinn (ISS CoP) maidir le Córas Staidrimh na hÉireann a fhorbairt. Is bonn é an cód chun cúnamh a chur ar fáil do chomhlachtaí poiblí eile maidir le hardchaighdeán staitistiúil agus prionsabail neamhchlaontachta Cód Cleachtais an Staidrimh Eorpaigh a chur i bhfeidhm. Is ar an ISS CoP a bheidh an teagmháil le príomhtháirgeoirí staitisticí oifigiúla thar an córas ginearálta bunaithe agus beidh feidhm thábhachtach aige sa mhéid go gcabhróidh sé linn iontaoibh agus muinín an phobail i staitisticí oifigiúla a mhéadú tuilleadh.

Lean an CSO uirthi ag seachadadh in 2013: d'éisigh sí 267 mír eolais agus d'fhoilsigh sí 33 doiciméad anuraidh. Lena chois sin eisíodh roinnt míreanna nua lena n-áirítear ceann amháin ar Staitisticí faoi Airgeadas Rialtais. Is deas an rud é a fheiceáil gurb é feabhsú agus forbairt leanúnach an freagra a thugann an CSO ar na dúshláin atá roimpi mar thoradh ar éileamh ar fhaisnéis agus castacht na n-éileamh sin araon.



Pól Mac Eochaidh TD
Príomh-Aoire an Rialtais agus Aire Stáit ag Roinn an Taoisigh

Meitheamh 2014

Réamhrá leis an Ard-Stiúrthóir

Is é seo an dara Tuarascáil Bhliantúil leis an CSO ar an Ráiteas Straitéise 2012-2014 agus is é an dara ceann é i mo théarma mar Ard-Stiúrthóir an CSO.

Tá cuid mhaith ama caite ag bainisteoirí sinsearach na CSO le linn 2013 ag forbairt straitéise fadtéarmaí don CSO. Forbraíodh “CSO 2020” mar thoradh ar phléite le réimse leathan luchtanna leasa agus tá sé bunaithe ar a bhfuil an Ráiteas Straitéise 2012-2014 ag díriú air, is é sin, seirbhís dár gcustaiméirí a bheith i gcroílár na straitéise. Lena chois sin leagan an straitéis béim ar na príomhluachanna atá ag ár n-eagraíocht: neamhspleáchas, oibiachtúlacht agus rúndacht. Tá sé thar a bheith tábhachtach cloí leis na luachanna seo chun muinín an phobail i staitisticí oifigiúla a chothú agus a fhorbairt tuilleadh. Seoladh CSO 2020 i mí Mheán Fómhair 2013. Beidh na spriocanna a aithníodh sa cháipéis seo mar threoirphlean againn chun sinn a thabhairt ar aghaidh go 2020.



Is beart fíorthábhachtach é Córas Staidrimh níos comhtháite a chruthú in Éirinn, sa “Phlean um Athchóiriú na Seirbhíse Poiblí” de chuid na Roinne Caiteachais Phoiblí agus Athchóirithe agus inár Ráiteas Straitéise 2012-2014 araon. I mí na Samhna 2011 d’aithin an Roinn Caiteachais Phoiblí agus Athchóirithe go raibh fíorghá le sonraí agus faisnéis ardchaighdeán chun a gcuid spriocanna maidir le feabhsú seirbhís custaiméara agus éifeachtúlacht san earnáil phoiblí a bhaint amach. Mar chuid den phlean seo sannadh an obair don CSO ‘cód cleachtais agus caighdeán chun sonraí a thiomsú agus a úsáid chun críocha staitistiúla sa tSeirbhís Phoiblí’ a fhorbairt. Sheol an CSO Cód Cleachtais an Chórais Staidrimh in Éirinn (ISS CoP) i mí na Samhna 2013.

Is é is cuspóir don chód ná sraith de threoirlínte simplí a thabhairt atá ceaptha chun na caighdeán a shioncraíonn do gach tiomsaitheoir staitisticí oifigiúla in Éirinn seachas dóibh siúd amháin a fhoilsíonn an CSO. Tá an ISS CoP ag teacht le Cód Cleachtais an Staidrimh Eorpaigh ach ag an am céanna níl ann ach fo-shraith den Chód seo a bhaineann le tiomsú Staitisticí Eorpacha. Chun tacú le cur i bhfeidhm an chóid seoladh suíomh idirlín nua (www.isscop.ie) mar aon le lógó foirmiúil chun branda a thabhairt don gcód agus don gcóras féin. Is garsprioc thábhachtach é seo i bhforbairt fhoirmiúil an Chórais Staidrimh in Éirinn agus maidir le haitheantas a bhaint amach di.

A handwritten signature in black ink, which appears to read 'Pádraig Daltún'. The signature is fluid and cursive.

Pádraig Daltún
Ard-Stiúrthóir

Meitheamh 2014

Dul chun cinn ar na príomhthosaíochtaí mar a sonraíodh iad sa Ráiteas Straitéise 2012-2014

Sprioc 1: Freastal ar Riachtanais Staidrimh		2012	2013
Nithe insoláthartha	Bearta Aschuir		
Príomh-aschuir staitistiúil a sheachadadh.	Foilsiú tráthúil i gcomhréir le Monatóir Tráthúlachta an CSO.	Ar siúl i gcónaí. Athbhreithniú á dhéanamh gach seachtain ag an gCoiste Bainistíochta Sinsearaí. Cuireadh an córas eisthe leictreonach i bhfeidhm le haghaidh dhá eisiúint in 2012 agus cuirfear i ngníomh é de réir a chéile in 2013.	Eisíodh Staitisticí Airgeadas an Rialtais (Sraith Bhliantúil agus Sraith Ráithiúil) den chéad uair in 2013 ag an am céanna ar ghlac an CSO freagracht as an Tuairisceán ar an Nós imeachta um easnamh iomarcach.
			Bunaíodh tionscadal foirmiúil a bhí á chómhaoiniú ag an CSO agus an Roinn Sláinte i gcomhar le Feidhmeannacht na Seirbhíse Sláinte in 2013 chun go bhféadfaí caiteachas sláinte a thuairisciú de réir Córas na gCuntas Sláinte faoi 2014.
			Cuireadh go mór le Cuntais Bhliantúla - meastacháin phraghais leanúnacha ar Chuntais breisluacha i dtaobh 38 n-earnáil san áireamh mar aon le sonraí chomh fada siar le 1995.
			Is é an Monatóir Tráthúlachta ar fáil ar shuíomh idirlín na CSO ag http://www.cso.ie/en/aboutus/dissemination/timelinessmonitor/#d.en.51318 .

Príomh-aschuir staitistiúil a sheachadadh (ar leanúint).	Leanúint ag forbairt scóipe agus cáilíochta ár bpríomh-aschur.	Eisiúintí: 255 san iomlán (37 go díreach ar an ngréasán de réir rannán; 91 ar an ngréasán amháin; 127 ar an ngréasán agus i gcló).	Eisiúintí: 267 san iomlán (59 ar an ngréasán amháin, 64 ar an ngréasán agus i gcló, 144 mar dhoiciméad leictreonach).
		Foilseacháin: 49 bhfoilseachán san iomlán.	Foilseacháin: 33 fhoilseachán san iomlán.
		Ar siúl i gcónaí .i. chuireamar modúil náisiúnta amach in 2012 (modúl pinsin agus oideachais, modúl ar anás airgeadais agus modúl trialach SILC (Suirbhé ar Choinníollacha loncaim agus Maireachtála) ar fholláine).	I straitéis 2020 an CSO a seoladh in 2013 aithníodh forbairt Creatlaí cuimsithí le haghaidh Bainistíocht Cáilíochta mar phríomhthionscadal an CSO go ceann roinnt blianta amach anseo. De bhreis air sin aithníodh tionscadal 2020 atá dírithe ar chustaiméirí agus aschur mar ghníomhaíocht ríthábhachtach a gcaithfidh an eagraíocht tabhairt fúithi sa tréimhse 2014/2015.
		Foilsíodh na heisiúintí seo go léir den chéad uair in 2012: Job Churn 2010 (Táirge Staitistiúil trialach); Freagra ó theaghlaigh ar chor chun donais eacnamaíochta sa tSuirbhéireacht Ráithiúil Náisiúnta ar Theaghlaigh; Innéacs um Tháirgeadh Seirbhísí Míosúla; Gnó in Éirinn agus Staitisticí maidir le hatitimeachas (athchiontú) sa tSeirbhís Phromhaidh.	
		Foilsíodh tuairisc nua ar Tháscairí Comhshaoil in 2012, tiomsaíodh táblaí S & U ag Praghsanna na Bliana Roimhe agus seachadadh Páipéar ar loncam Feirm Talmhaíochta.	

Príomh-aschuir staitistiúil a sheachadadh (ar leanúint).	Foilsíodh tuarascálacha go léir an Daonáirimh Phobail 2011 agus an Daonáirimh Talmhaíochta 2010 in 2012 ^[1] .	3 imleabhar (PDR ^[2] , PSER ^[3] agus Ceantair).	Tá táirge nua inrochtana ar Dhaonáireamh 2011 foilsithe ag an CSO: Foilsíodh próifíil limistéir an Daonáirimh 2011 le haghaidh 350 limistéar ó cheann ceann na tíre in 2013. Tugann siad forbhreathnú ar fhaisnéis daonáirimh i dtaobh na limistéar seo i bhformáid soléite.
Roghanna athbhreithnithe i dtaobh Daonáirimh 2016.	Tuarascáil ar roghanna i dtaobh Daonáirimh 2016 faoi C1/2012.	Bainte amach: comhaontú bunúsach ón rialtas go ndéanfar daonáireamh in 2016 faoi réir maoiniú riachtanach a bheith ar fáil.	Pleananna chun Daonáireamh Pobail a dhéanamh in 2016 críochnaithe agus tús curtha le hobair ar mheastachán an chostais a bheidh air.
Riachtanais sonraí nua a thagann chun cinn mar thoradh ar bheartais de chuid an AE, beartais náisiúnta agus mar thoradh ar chlár an AE/CAI a aithint agus aghaidh a thabhairt orthu; athbhreithniú leanúnach a dhéanamh ar an bpríomhchlár staidrimh.	Dul i gcomhairle go leanúnach le húsáideoirí chun tionchar riachtanais sonraí nua i staitisticí macra-eacnamaíocha, gnó, comhshaoil agus sóisialta / teaghlaigh a shainmhíniú.	Ar siúl i gcónaí. Teagmháil leanúnach le húsáideoirí ar bhonn foirmiúil agus neamhfhoirmiúil, .i. trí ghrúpaí comhordúcháin, .i. an Grúpa Teagmhála um Staitisticí Fiontair), seimineáir, .i. an 4ú Seimineár um Staitisticí Gnó, Seimineár Talmhaíochta, ranna agus gníomhaireachtaí rialtais. Cuireadh tús oifigiúil leis an nGrúpa Teagmhála um Staitisticí Turasóireachta Uile-Éireann i mBéal Feirste. Bhí Eagraíocht Dhomhanda Turasóireachta na Náisiún Aontaithe (UNWTO ^[4]) i láthair.	Teagmháil leanúnach le húsáideoirí ar bhonn foirmiúil agus neamhfhoirmiúil trí réimse tionscnamh lena n-áirítear grúpaí comhordúcháin, seimineáir, preasagallaimh, cineálacha éagsúla cruinnithe AE agus caidreamh le ranna agus gníomhaireachtaí Rialtais.

^[1] Sceideal mionsonraithe http://www.cso.ie/census/documents/Census_2011_publications_schedule.pdf

^[2] PDR Príomhthoradh Déimeagrafach

^[3] PSER Príomhthorthaí Socheacnamaíocha

^[4] UNWTO Eagraíocht Dhomhanda Turasóireachta

<p>Riachtanais sonraí nua a thagann chun cinn mar thoradh ar bheartais náisiúnta de chuid an AE, beartais náisiúnta agus mar thoradh ar chlár an AE/CAI a aithint agus aghaidh a thabhairt orthu; athbhreithniú leanúnach a dhéanamh ar an bpríomhchlár staidrimh (ar leanúint).</p>	<p>Gníomhartha a shainithint a eascraíonn ón Tuarascáil Beyond GDP ar thomhas feidhmíochta eacnamaí agus dul chun cinn sóisialta.</p>	<p>Tá tuilleadh béime á cur ar an gclár oibre 'Beyond GDP' atá le feiceáil in aschuir Cuireadh tús le hullmhú modúil QNHS^[5] ar 'fholláine shuibíachtúil' (mar aon le roinnt ábhair ghaolmhara). Tá sé i gceist an tSuirbhéireacht seo a dhéanamh i Ráithe 3 de 2013.</p>	<p>Tá sraitheanna ceisteanna faoi fholláine curtha san áireamh anois inár Suirbhé Teaghligh Náisiúnta Ráithiúil (QNHS) agus inár suirbhé ar ioncam agus choinníollacha maireachtála (EU-SILC). Tá anailís á déanamh ar thorthaí an QNHS agus táthar ag súil lena bhfoilsiú in eisiúint náisiúnta i 2014. Cuirfear na torthaí EU-SILC a tiomsaíodh faoi reachtaíocht an AE ar aghaidh chuig Eurostat. B'fhéidir go bhfoilseoidimid na torthaí seo go náisiúnta in am trátha.</p>
	<p>Ag brath ar chostas, pleananna a fhorbairt chun freastal ar riachtanais nua sonraí i gcomhréir le Spriocanna 2 go 5.</p>	<p>Tá tús curtha ag an gCoiste Bainistíochta Sinsearaí le plean straitéiseach fadtéarma a ullmhú. Fuarthas tuairimí ó chomhghleacaithe na bainistíochta sinsearaí ag leibhéal an Staitisteora Sinsearaí/PO in 2012. Sa phlean straitéiseach leagfar amach fíis straitéiseach an CSO i gcomhair 2020 agus leagfar béim ar leith ar ár gcustaiméirí. Le linn an chéad leith de 2013 beifear ag obair ar shásanna a cheapadh chun an straitéis a sheachadadh. Beidh an obair seo ag díriú ar phróisis inmheánacha agus nuáil agus ar chumas na heagraíochta í féin a chur in oiriúint.</p>	<p>Thug an Coiste Bainistíochta Sinsearaí an plean straitéiseach fadtéarma don CSO i gcrích agus sheol sí in 2013 é. Sainithníodh ocht bpríomhthionscadal a bhfuil gá leo chun na hathruithe chun feabhais atá aitheanta sa phlean a dhéanamh. Cuireadh tús leis an bpleanáil do gach ceann den ocht dtionscadal in 2013.</p>

Riachtanais sonraí nua a thagann chun cinn mar thoradh ar bheartais de chuid an AE, beartais náisiúnta agus mar thoradh ar chlár an AE/CAI a aithint agus aghaidh a thabhairt orthu; athbhreithniú leanúnach a dhéanamh ar an bpríomhchlár staidrimh (ar leanúint).	Leanúint ar athbhreithniú a dhéanamh ar an bpríomhchlár agus cabhrú chun staitisticí a aithint ag leibhéal an AE nach bhfuil gá leo a thuilleadh.	Ar siúl i gcónaí - tá an CSO ag obair leis, chun tionchar a imirt ar rialacháin nua de chuid an AE.	Ar siúl i gcónaí - tá an CSO ag obair leis, chun tionchar a imirt ar rialacháin nua de chuid an AE. Tá deacrachtaí ag leibhéal an AE maidir le teacht ar chomhaontú ar “thosaíochtaí diúltacha” agus cé go bhfuil iarrachtaí á ndéanamh ar gach taobh tá éilimh atá á dtiomáint ag an AE ag dul i méid.
Timthriall suirbhé an chlár PIAAC (An Clár um Mheasúnaithe Idirnáisiúnta ar Inniúlachtaí Daoine Fásta de chuid na hECFE) a chríochnú.	Tiomsú sonraí a chríochnú i Ráithe 1/2012.	Obair réimse, próiseáil sonraí agus ualú sonraí do PIAAC ^[6] críochnaithe. Baineadh ráta freagraí 71% amach.	Foilsíodh an tuarascáil dheiridh i mí Dheireadh Fómhair 2013.
	Foilsíodh torthaí ar litearthacht agus uimhearthacht daoine fásta in Éirinn leis an ECFE atá inchurtha go hidirnáisiúnta sa bhliain 2013.	Cuirfear comparáidí idirnáisiúnta ar fáil i mí Mheithimh/Iúil 2013 agus foilseofar an tuarascáil dheiridh i mí Dheireadh Fómhair 2013.	Tá tuarascáil chuimsitheach idirnáisiúnta foilsithe ag an ECFE a mhíníonn torthaí PIAAC maidir le gach ceann de na tíortha rannpháirteacha.

^[5] QNHS Suirbhéireacht Ráithiúil Náisiúnta ar Theaghlaigh

^[6] PIAAC An Clár um Mheasúnaithe Idirnáisiúnta ar Inniúlachtaí Daoine Fásta

Sprioc 2: Córas Staidrimh na hÉireann a fhorbairt		2012	2013
Nithe insoláthartha	Bearta Aschuir		
Tacú le hAonaid Staidrimh Rannacha, chun freastal ar riachtanais na faisnéise staidrimh i ndáil le beartas.	Tacaíocht ghairmiúil leanúnach ón CSO d'aonaid staidrimh.	Teagmháil leanúnach leis na haonaid roinne staidrimh go léir.	Teagmháil leanúnach leis na haonaid roinne staidrimh go léir.
Cód cleachtais agus caighdeáin chleachtais a fhorbairt le haghaidh bailiú sonraí agus le haghaidh a n-úsáide chun críocha staidrimh ar fud na Seirbhíse Poiblí.	An Cód Cleachtais agus Caighdeáin Sonraí a ullmhú faoi mhí na Nollag 2012.	Chuir an CSO an chéad dréacht de Chód Cleachtais do Chóras Staidrimh na hÉireann (ISS COP) chuig an mBord Staidrimh Náisiúnta i mí na Nollag 2012 chun go ndéanfaí athbhreithniú air agus chun é a fhaomhadh. Seolfar an ISS CoP i mí na Samhna 2013 agus beidh sé ina bhonn ag ár mbaint le príomhtháirgeoirí staitisticí oifigiúla i dtaobh prionsabal ar nós neamhspleáchas gairmiúil agus caighdeáin cháilíochta agus trédhearcacht.	Seoladh an ISS CoP go foirmiúil i mí na Samhna 2013, féach an suíomh gréasáin www.isscop.ie . Tá sé i gceist ag an CSO dul i dteagmháil go gníomhach le príomhtháirgeoirí sa tSeirbhís Phoiblí chun liosta cuimsitheach Staitisticí Oifigiúla a chomhaontú. Déanfar comhlíonadh an Chód Chleachtais i ndáil le cur le chéile Staitisticí Oifigiúla a measúnú i rith ama.
		A luaithe agus atá an Cód tarraingthe suas tá sé i gceist go rachaidh an CSO i dteagmháil go gníomhach le príomhtháirgeoirí sonraí sa tseirbhís phoiblí. Faoi dheireadh uachtaránacht na Cipire bhí téacs an Leasaithe ar Rialachán (CE) Uimh. 223/2009 comhaontaithe ach amháin an ghné a phléann na Ceanglais ar Rúndacht. Agus é comhaontaithe, beidh an leagan deiridh den leasú mar threoir ag an ISS CoP.	

Cód cleachtais agus caighdeán chleachtais a fhorbairt le haghaidh bailiú sonraí agus le haghaidh a n-úsáide chun críocha staidrimh ar fud na Seirbhíse Poiblí (ar leanúint).	Cúnamh do chomhlachtaí poiblí eile maidir le hardchaighdeán staidrimh agus prionsabail neamhchlaontachta Cód Cleachtais an Staidrimh Eorpaigh (ES CoP) a chur i bhfeidhm i dtaobh staitisticí Eorpacha nach bhfuil aon bhaint ag an CSO leo.	Tagann an Grúpa Caidrimh Staitisteoirí le chéile trí uaire sa bhliain agus is é seo an fóram is tábhachtaí chun cúnamh a chur ar fáil. Agus an dréacht-Chód Cleachtais tugtha chun críche beidh sé ina bhonn chun cúnamh a thabhairt do chomhlachtaí poiblí eile maidir le hardchaighdeán staidrimh agus prionsabail neamhchlaontachta an ESCoP a chur i bhfeidhm ^[7] .	Mar thoradh ar an ISS CoP a chur i bhfeidhm agus glacadh leis de réir a chéile cabhrófar le comhlachtaí poiblí ardchaighdeán staidrimh agus prionsabail na neamhchlaontachta a chur i bhfeidhm.
	Foilsíú doiciméadaithe chaighdeánaithe ar cháilíocht staidrimh maidir le staitisticí nach leis an CSO iad, tríd an suíomh gréasáin www.statcentral.ie .	Tá doiciméadú ar cháilíocht agus modheolaíocht staidrimh foilsithe ag an Roinn Oideachais agus Scileanna trí www.statcentral.ie . Táimid ag súil le méadú a theacht ar chruthú a leithéid de thuarascálacha i gcomhlachtaí seachas an CSO mar thoradh ar an gCód Cleachtais a chur i bhfeidhm de réir a chéile.	Tá Athbhreithniú Piara de chuid Eurostat ar chomhlíonadh an ES CoP maidir le táirgeadh staitisticí Eorpacha á dhéanamh in 2014 agus 2015. Leis an bpróiseas seo tarraingeofar aird an CSO agus comhlachtaí na hearnála poiblí a tháirgeann staitisticí Eorpacha araon ar na bearta eile atá riachtanach chun níos mó dá gcuid oibre a chur ar chomhrian leis an ES CoP.

^[7] ESCoP Cód Cleachtais an Staidrimh Eorpaigh

Measúnú a dhéanamh ar an timpeallacht reachtach do shonraí staitistiúla, raon d'úsáidí breise agus d'úsáidí níos mó sonraí agus d'athruithe reachtúla riachtanacha a aithint.	Tuarascáil ar an timpeallacht reachtach do shonraí staitistiúla, limistéir ina bhféadfaí athruithe a dhéanamh a aithint, faoi mhí na Nollag 2012.	Tá athbhreithniú á dhéanamh ag an CSO ar an timpeallacht reachtach atá ar bun faoi láthair i dtaobh faisnéis staidrimh oifigiúil a tháirgeadh agus a úsáid agus lena chois sin tá sé ag féachaint ar an tionchar reachtach a d'fhéadfadh a bheith ag an leasú ar Rialachán AE 223/2009 maidir le Staidrimh Eorpach atá ar feitheamh. Tá an CSO ag cur le dréachtú meamraim chuig an Rialtais faoi láthair chun tacú le forbairt Bonneagar Sonraí Náisiúnta (NDI) ar mhaithe le Riaracháin Phoiblí níos fearr. Cuirfidh forbairt an NDI agus é bunaithe ar shainaithint oifigiúil daoine, gnólachtaí agus foirgneamh go mór le luach sonraí i gcórais riaracháin chun críocha staidrimh.	Tá athbhreithniú á dhéanamh i gcónaí ag an CSO ar an timpeallacht reachtach chun Staitisticí Oifigiúla a tháirgeadh agus a úsáid. Déanfaimid measúnú ar thionchar an leasaithe ar Rialachán 223/2009 de chuid an AE a luaithe agus atá na hidirbheartaíochtaí críochnaithe.
	Beidh moltaí i dtaobh athraithe reachtaigh forbartha faoi mhí Mheithimh 2013, má bhaineann.	Tá sé beartaithe an timpeallacht reachtach a imscrúdú nuair a bheidh an Cód Cleachtais seolta agus comhaontú ginearálta ar fhorbairt an NDI chun críocha riaracháin phoiblí bainte amach.	Ní mór fanacht ar thorthaí na n-idirbheartaíochtaí ar na leasuithe molta ar an Rialachán 223/2009 de chuid an AE ar Staidrimh Eorpach sula gcuirfear tús le forbairtí i dtaobh na ceiste seo.

<p>Tacú le cur chuige comhtháite i leith sonraí riarchacháin ar fud na Seirbhíse Poiblí, rud lena n-áirítear cur chuige seasmhach a chur chun cinn d'aitheantóirí, ranguithe agus sonraí geospásúla /cód poist i dtaobh pleanáil seirbhíse agus i dtaobh seachadadh seirbhíse.</p>	<p>Tacaíocht leanúnach do chaighdeáin sonraí agus na caighdeáin seo a chur chun cinn ar fud na Seirbhíse Poiblí i gcomhar leis an Roinn Caiteachais Phoiblí agus Athchóirithe.</p>	<p>Bhí roinnt cruinnithe ag an CSO leis an Roinn Caiteachais Phoiblí agus Athchóirithe le linn 2012 chun a fhiosrú conas a d'fhéadfaí cruthú bonneagair staitistiúil chomhtháite a chur ar aghaidh. Is iad na gnéithe tosaigh den straitéis iomlán iad an obair atá ar siúl ag an CSO maidir leis an Cód Cleachtais nua staitistiúil agus an teagmháil le luchtanna leasa ábhartha. Sa chéad chéim eile den straitéis beifear ag dul i dteagmháil le ranna agus gníomhaireachtaí rialtais chun a chinntiú go nglacfar le bunrialacha an Chód Cleachtais.</p>	<p>Bhí tuilleadh cruinnithe ag an CSO leis an Roinn Caiteachais Phoiblí agus Athchóirithe in 2013. Sa chomhthéacs seo is clocha tógála ríthábhachtacha iad na cinntí a rinne an Rialtas in 2013 maidir le cóid phoist agus aitheantóir seirbhíse poiblí aonair.</p>
--	--	--	---

Sprioc 3: Tuiscint agus Úsáid Staitisticí a chur Chun Cinn		2012	2013
Nithe insoláthartha	Bearta Aschuir		
Leanúint orainn ag cur feabhais ar struchtúr agus ar leagan amach eisiúintí agus táblaí staitistiúla ar www.cso.ie .	Leagan amach nua ar líne ar eisiúintí agus tháblaí staitistiúla faoi dheireadh 2012.	Tá teimpléad leictreonach eisiúintí cruthaithe, rinneadh an chéad eisiúint leictreonach beo (Staitisticí Baine) ar an gcóras i mí na Samhna 2012.	Tá 94% d'eisiúintí aistrithe chuig an gcóras eisthe leictreonach. Aistreofar na heisiúintí atá fágtha in 2014. Cuirfear Foilseacháin Leictreonacha ar fáil diadh i ndiaidh in 2014. An chéad foilseachán leictreonach i mí Eanáir.
	Soláthar tuairiscí téamacha ar líne.	Eisiúint théamach ar Shaothar Talmhaíochta, Áireamh Talmhaíochta, Daonáireamh 2011 – Daoine gan dídean in Éirinn, Staitisticí Ioncaim agus Coinníollacha Maireachtála (SILC) – Tuairisc Théamach ar Leanaí, Staitisticí Ioncaim agus Coinníollacha Maireachtála – Tuairisc Théamach ar Dhaoine Aosta, Suirbhé ar Bhuiséad Teaghlach, Suirbhé ar Bhuiséad Teaghlach Imleabhar 2 agus Tomhas Dul Chun Cinn na hÉireann – iad seo go léir foilsithe ar líne in 2012.	Foilsíodh eisiúintí téamacha ar Thionchar an chor chun donais eacnamaíoch ar Theaghlaigh, Ceathrú 3 2012, agus Cáilíocht Beatha Réigiúnach in Éirinn 2013 ar líne in 2013.
	Tráchttaireacht inrochtana agus léiriú físeach níos móna dtorthaí staitistiúla.	Imleabhair 1-10 de Dhaonáireamh 2011 foilsithe i bhfoirm fhíor-fhíseach. Foilsíodh cairteanna agus léarscáileanna idirghnómhacha leis, i bpáirtíocht leis an Institiúid Náisiúnta um Anailís Réigiúnach agus Spásúil.	Tá an cheist seo á breathnú mar chuid den tionscadal CSO 2020 um Chustaiméirí agus Aschuir.

Leanúint orainn ag cur feabhais ar struchtúr agus ar leagan amach eisiúintí agus táblaí staitistiúla ar www.cso.ie (ar leanúint).		Tá na príomhtháscairí eacnamaíocha ar fáil ar an suíomh http://www.cso.ie/indicators/Maintable.aspx .	
Beartas Sonraí Oscailte a fhorbairt maidir le staitisticí foilsithe uile ar www.cso.ie agus ar www.statcentral.ie chun a chinntiú go mbeidh an oiread faisnéis staitistiúil is féidir ar fáil agus á húsáid.	Táblaí staitistiúla uile na CSO a fhoilsiú sa rannán StatBank ar www.cso.ie - cuimsiú iomlán faoi 2014.	Tá táblaí uile an Daonáireamh 2011 ar fáil ar StatBank anois as Gaeilge agus as Béarla agus tá clár ascnaimh sonraí ar fáil.	Leanamar orainn ag foilsiú táblaí breise ar StatBank in 2013 ar réimse fearann staitistiúla lena n-áirítear Cuntais Náisiúnta, Iarmhéid Iocaíochtaí, Talmhaíocht, Staitisticí Gnó Gearrthéarmacha. Tá sonraí an Daonáirimh 2006 curtha isteach sa StatBank faoin am seo. Bearna ab ea é a bhí fágtha nuair a bhí sonraí an Daonáirimh 2011 curtha isteach in 2012.
	Úsáidí Sonraí Oscailte StatBank a chur chun cinn agus monatóireacht a dhéanamh orthu.	Rinneadh dul chun cinn nach beag in 2012 ar fhoilsiú táblaí staitistiúla breise ar StatBank m.sh. Daonáireamh 2011, Treoir Praghsanna Tithe, Job Churn. San iniúchadh a rinneadh ar StatBank in 2012 tarraingíodh aird ar rannáin ina bhféadfaí táblaí a chur leis. Mar thoradh ar phléite leis na rannáin seo déanfar níos mó táblaí staitistiúla a lódáil in 2013.	Ag leanúint orainn ag obair le ranna agus gníomhaireachtaí eile chun sonraí ar an Líonra Staidrimh don Earnáil Phoiblí a fhoilsiú, sonraí an Bord um Thionóntachtaí Cónaithe Príobháideacha a chur leis an líonra in 2013. Foilseofar sonraí don Roinn Sláinte agus don Bhord Taighde Sláinte go luath agus beidh siad ar fáil in 2014.
		Lódáladh sonraí don Roinn Sláinte agus don Bhord Taighde Sláinte chun go ndéanfaidh an CSO iad a óstáil trinár Líonra Staitisticí don Earnáil Phoiblí. Déanann na soláthraithe sonraí faoi seach na sonraí seo a scrúdú sula bhfoilsítear iad. Rinneadh dul chun cinn le DERI maidir le sonraí ó Dhaonáireamh 2011 a tháirgeadh mar shonraí oscailte nasctha in 2013.	

Úsáid sonraí staitistiúla a chur chun cinn agus a mhéadú i dtaighde eacnamaíoch agus sóisialta.	Córas ar líne a fhorbairt le haghaidh cianrochtana chun críocha taighde, le linn 2012.	Cuirfear an scéim phíolótach a ndearnadh tástáil uirthi in 2012 i bhfeidhim go céimneach in 2013.	Tá torthaí an píolótach á mbreithniú mar chud de thionscadal an CSO 2020 maidir le rochtain do thaighdeoirí.
	Comhpháirtíocht sheachtrach le haghaidh úsáide sonraí ar mhaithe le taighde a fhorbairt.	Tacaíocht leanúnach an phróisis "Oifigeach Statisticí". Rinneadh tástáil píolótach ar an rogha cianrochtanna le roinnt taighdeoirí in 2012.	Tá tacaíocht leanúnach á cur ar fáil.
Clár for-rochtana a leathnú chun tuiscint ar chúrsaí staidrimh a chur chun cinn in earnáil an oideachais.	An tionscadal bliantúil Census@School.	Chomhlánaigh 7,150 freastalaí meánscoile an ceistneoir agus foilsíodh na torthaí i mí Dheireadh Fómhair 2012.	Foilsíodh 10,266 freagra ar an gceistneoir CensusAtSchool 2012/2013 mar aon leis na torthaí i mí Dheireadh Fómhair 2013. Seoladh an chomórtas apps4gaps i mí Dheireadh Fómhair 2013 chun úsáid sonraí oscailte nasctha Daonáirimh 2011 a spreagadh.
	Bonn John Hooper, comórtas póstaer staitistiúil ag leibhéal meánscoile.	Reáchtáladh an dara comórtas in 2012. Fógraíodh 283 phóstaer agus reáchtálfar an comórtas uair eile in 2013. Is é an téama a bheidh aige ná Talmhaíocht.	Cuireadh 253 phóstaer isteach sa chomórtas póstaer Bonn John Hooper 2013. Rinne na buaiteoirí ionadaíocht d'Éirinn sa Chomórtas Póstaer Idirnáisiúnta um Litearthacht Staitistiúil. Bhain siad an 2 áit amach sa chatagóir sinsearach agus an 3 áit sa chatagóir sóisearach sa chomórtas domhanda seo.
	Urraíocht ón CSO ar scoláireacht Dhómhaill Mhic Chárthaigh, scoláireacht iarchéime i staitisticí i gCOC.	Rinne Príomh-Oifig Staidrimh na hÉireann maoiniú ar an scoláireacht seo chun taighde ollscoile i réimse na staitisticí oifigiúla a chur chun cinn.	Tá obair déanta ag an CSO agus ag COC chun athbhreithniú a dhéanamh ar an tslí ina bhféadfadh an scoláireacht a úsáid chun taighde a spreagadh i réimse na staitisticí oifigiúla agus na hanailísíochta sonraí .

Clár for-rochtana a leathnú chun tuiscint ar chúrsaí staidrimh a chur chun cinn in earnáil an oideachais (ar leanúint).	Dioplóma Gairmiúil i Staitisticí Oifigiúla seolta, i gcomhar leis an bhForas Riaracháin.	Tá an Dioplóma Gairmiúil i Staitisticí Oifigiúla forbartha againn i gcomhar leis an bhForas Riaracháin agus tá sé dírithe ar chinnteoirí ar fud na seirbhíse poiblí.	Is é an Foras Riaracháin a chuireann an Dioplóma Gairmiúil i Staitisticí Oifigiúla um Mheasúnú Beartais ar siúl.
Beartas maidir leis na meáin shóisialta a fhorbairt ar mhaithe le cur chun cinn staitisticí oifigiúla.	Beartas maidir leis na meáin shóisialta a fhorbairt in 2012.	Dréacht-bheartas curtha le chéile agus críochnófar é in 2013. Cuntas Facebook déanta don CSO. 5,600 liostáilte ag ár bhfotha Twitter.	Tá an dréacht-bheartas do Mheáin Shóisialta á bhreithniú ag an SMC.
	An beartas a chur i ngníomh faoi dheireadh 2012.		Tá athbhreithniú déanta ag leathanach Facebook an CSO agus tá sé seolta as an nua. Déanfar athbhreithniú ar an úsáid a bhaintear as i mí Mheithimh 2014. Tá 8,617 liostáilte ar ár bhfotha twitter.
Seimineáir a reáchtáil go rialta ar úsáid faisnéise staitistiúla sa rialtas, i ngnó agus sa tsochaí.	Clár bliantúil seimineár agus comhdhálacha.	D'éirigh go breá leis an seimineár BOP agus an 4ú Seimineár Gnó (Talmhaíocht) a reáchtáladh in 2012.	D'éirigh go breá leis an Seimineár Eurostat a reáchtáladh in 2013 ar Shlabhraí Luacha Domhanda agus ar Dhomhandú na hEacnamaíochta.
	Faisnéisithe staitistiúla do phríomh-eagraíochtaí seachtracha.	Láithreoireachtaí déanta san Oireachtas agus in ocht ranna Rialtais	Seacht bhFaisnéisiú Oideachtais déanta in 2013 ar shaincheisteanna ar nós Margadh Saothair, Fostaíocht agus Tuillimh agus Macraí-eacnamaíocht.

Seimineáir a reáchtáil go rialta ar úsáid faisnéise staitistiúla sa rialtas, i ngnó agus sa tsochaí (ar leanúint).	Seimineáir a reáchtáil ar fud na hÉireann ar thorthaí an Daonáirimh 2011.	Reáchtáladh roinnt seimineár d'úsáideoirí i ngrúpaí Forbartha Áitiúla. Bhí ionadaithe ar 25 ghrúpa forbartha áitiúla éagsúla ó cheann ceann na tíre i láthair. De bhreis air sin cuireadh seimineáir/láithreoireachtaí ar fáil do Choláiste na Tríonóide agus Institiúid Teicneolaíochta Bhaile Átha Cliath.	Críochnaíodh an clár scaipthe Daonáirimh i mí na Nollag 2012 mar aon le réimse seimineár d'úsáideoirí. Thug ár rannán um Fiosruithe Daonáirimh tacaíocht go leanúnach ar fud 2013. Áiríodh leis seo breis imeachtaí agus láithreoireachtaí d'úsáideoirí a chur ar siúl do réimse údarás áitiúil, ranna agus gníomhaireachtaí rialtais.
--	---	--	--

Sprioc 4 Éifeachtúlacht a mhéadú		2012	2013
Nithe insoláthartha	Bearta Aschuir		
Clár rollta d'athbhreithnithe próisis ghnó ina n-úsáidtear Lean Six Sigma (LSS) agus modheolaíochtaí eile.	Clár rollta bliantúil d'athbhreithnithe próisis ghnó a chur i bhfeidhm.	Ar siúl i gcónaí- 2012 san áireamh.	Ar siúl i gcónaí- 2013 san áireamh.
		LSS críochnaithe maidir le Staitisticí Ríthabhachtacha, Staitisticí Trádála, Staitisticí Suirbhéanna Ioncaim agus Coinníollacha Maireachtála (SILC) agus an Togra Cláir Ghnó i measc tograí eile nach iad. Cuireadh an clár LSS ar sos go dtí go mbeidh an Straitéis Chorporáideach curtha cothrom le dáta.	Cuireadh conradh oiliúna foirne i modheolaíochtaí Lean Six Sigma ar bun. Cuirfear tús le dhá thionscadal eile in 2014.
		Córais faisnéise gnó a forbraíodh do PIAAC curtha i bhfeidhm diaidh ar ndiaidh.	Cuireadh tús leis an bpleanáil don gClár um Fheabhsú Próiseas Gnó le haghaidh 2014/15 in 2013 agus tá sé á thabhairt chun críche.
		Athcheapadh déanta ar phróiseáil déimeagrafach, rud a chuir feabhas ar achar ama a bhfoilsithe sa mhéid gur laghdaíodh de 8 seachtaine é in 2012.	
		Athbhreithniú cáilíochta ar mhodheolaíocht & aschuir maidir le WPI ^[8] , MIP ^[9] , LCU ^[10] ar athmheas/aistriú praghsáil/comhchóireáil	

^[8] WPI Innéacs Praghsanna Mórdhíola

^[9] MIP Fiosrú Míosúil um Tháirgeadh Tionsclaíoch

^[10] LCU Aonad Mórcháis

Clár rollta d'athbhreithnithe próisis ghnó ina n-úsáidtear Lean Six Sigma agus modheolaíochtaí eile (ar leanúint).	Tionchair a thomhas ar fheabhsú tráthúlachta agus costais an táirgthe staitisticí.	Raon meadrachtaí inmheánacha agus seachtracha a mhéadú d'fhonn tacú le buiséadú feidhmíochta agus feabhsú próisis. Tá córas taifeadta ama ann chun acmhainní a chaitear chun conarthaí staidrimh AE a sheachadadh a ríomh; lena chois sin tabharfar faoi tionscadal chun córas taifeadta lonchur Ama a thabhairt isteach le haghaidh an Rannáin Staitisticí Gnó Struchtúrtha in 2013.	Tá seo ar na príomhchuspóirí atá ag tionscadal na Creatlaí Bainistíochta Cáilíochta dár gcuid. Is cuid den straitéis iomlán CSO 2020 í. Tá meadrachtaí á bhforbairt ar bhonn leanúnach chun faisnéis bainistíochta níos fearr a chur ar fáil. Is príomhchuid den tionscadail Feabhsaithe Phróisis Ghnó iad meadrachtaí a dhéantar a sheoladh leis an modheolaíocht Lean Six Sigma.
An córas suirbhéireachta teaghlaigh a athrú ón mbonn aníos chun freastal ar riachtanais sonraí ar shaincheisteanna sóisialta amach anseo.	Plean an athraithe ón mbonn aníos mar aon le roghanna costáilte faoi C1/2012.	Comhaontaíodh an cás gnó don Tionscadal Aistrithe ón mbonn aníos leis an gCoiste Bainistíochta Sinsearach i mí Mheán Fómhair 2012 agus cuireadh faoi bhráid na Roinne Caiteachais Phoiblí agus Athchóirithe ^[11] é i mí na Samhna.	Cuireadh tús le cur i ngníomh an Tionscadail um Fhorbairt Suirbhé Teaghlaigh in 2013. Baineadh roinnt garspriocanna tábhachtacha den tionscadal amach i gcaitheamh na bliana.
	Córas suirbhé nua ar bun ó Ráithe 3/2014 amach.	Forbraíodh plean um chur i ngníomh agus tá an tionscadal bogtha ar aghaidh go céim pleanála níos mionsonraithe faoin am seo.	Rinneadh tuilleadh forbartha ar an tionscadal in 2013.

^[11] DPER An Roinn Caiteachais Phoiblí agus Athchóirithe

Straitéis Acmhainní Daonna a fhorbairt agus a chur i bhfeidhm.	Straitéis Acmhainní Daonna comhaontaithe a ullmhú faoi Ráithe 1/2012.	Tugadh tús áite don bPlean Lucht Saothair thar seo in 2012. Forbrófar riachtanais Acmhainní Daonna sa dara leagan den bPlean Lucht Saothair agus i mbearta a ghlacfar chun an Straitéis Chorporáideach 7 mbliana a chur i gcrích.	Cuireadh an Plean Lucht Saothair cothrom le dáta chun scor, athruithe agus riachtanais foirne eile agus riachtanais soláthar foirne do thionscadail a thabhairt san áireamh go dtí 2015.
	Beartais Acmhainní daonna a chur i ngníomh chun tacú le scileanna agus inniúlachtaí atá ag teastáil i seirbhís staitistiúil na linne seo.	D'fhoilsíomar an Straitéis Foghlama agus Forbartha agus d'fhorbraíomar Clár Scileanna foirne in 2012.	D'fhorbair an CSO clár scileanna maidir leis an bhfoireann ar fad den chéad uair in 2013. Chomhlánaigh gach ball den bhfoireann é in 2013.
			Cuireadh tús i mí Mheithimh 2013 le cleachtadh trialach d'Fhorbairt Ghairmiúil agus Phearsanta Leanúnach a raibh 30 ball foirne ag leibhéal Staitisteora/AP rannpháirteach ann.
	Spriocanna an chreat rialaithe fostaíochta (ECF) a bhaint amach maidir le laghdú foirne céimneach.	Baineadh sprioc an creat rialaithe fostaíochta amach in 2012. Is dúshlán mór i gcónaí é an buiséad agus an líon foirne a chur in oiriúint d'éilimh ar fhaisnéis staitistiúil.	Baineadh sprioc an creat rialaithe fostaíochta amach in 2013. Is dúshlán mór i gcónaí é an buiséad agus an líon foirne a chur in oiriúint d'éilimh ar fhaisnéis staitistiúil.

Straitéis TF a chur i ngníomh.	Cur i bhfeidhm leanúnach na Straitéise TF 2010-2012, i gcomhréir le tosaíochtaí feabhsaithe gnó na CSO.	D'aithin an Straitéis TF 9 bPríomhréimse Gnímh. Spreagfaidh gach ceann díobh bearta tánaisteacha, 54 acu san iomlán. Tá 18 gceann de na bearta tánaisteacha curtha i gcrích. Tá 19 mbeart eile ar siúl i gcónaí agus chríochnófar na tograí seo ag dátaí éagsúla.	Bhí dul chun cinn á dhéanamh i gcónaí in 2013 ar an 19 dtionscadal ar tugadh tús áite dóibh sa straitéis. Críochnaíodh deich gcinn díobh seo agus tá dul chun cinn mór déanta ar an gcuid eile.
	Straitéis TF nuashonraithe a ullmhú in 2012, chun ailíniú leanúnach le riachtanais a chinntiú a bheidh ag an CSO amach anseo.	Tá athbhreithniú piara ar siúl ar TF go luath in 2013 a threoróidh forbairt na straitéise TF nua.	Rinne Grúpa Athbhreithnithe Piara TF seachtrach ina raibh saineolaithe ón Iorua, ón Nua-Shéalainn agus as Éirinn moltaí maidir le treonna straitéiseacha na TF. Táid seo á mbreithniú agus an chéad straitéis TF eile á forbairt.
	An córas tiomsaithe TF do na Cuntais Náisiúnta a uasghrádú.	Tá foireann thiomanta curtha le chéile chun tabhairt faoin tionscadal seo. Cuirfear tús leis an obair ar úsáid an fheidhmchláir meiteashonraí agus ar an aistriú chuig timpeallacht SAS go luath in 2013.	Ag déanamh dul chun cinn de réir spriocanna beartaithe an tionscadail. Rinneadh roinnt próisis a athscríobh in SAS agus coinnítear na sonraí a ghabhann leo sa DMS (an bunachar sonraí atá an oifig ar fad) agus sa mBunachar Sonraí Comhiomlán nua. Déanfar próiseáil ar fad an fhoilseacháin Bhliantúil NIE leis an gcóras nua faoi dheireadh 2014.

Réitigh seirbhísí roinnte a chur i ngníomh má tá siad ar fáil agus má oireann siad do riachtanais na CSO.	An párolla a aistriú chuig córas lárnach na Seirbhíse Poiblí faoi dheireadh 2012.	Bonnlíniú oibre, córas agus acmhainní críochnaithe. Ag feitheamh le cinneadh ón Roinn Caiteachais Phoiblí agus Athchóirithe maidir le cur chuige agus uainiú.	Tá Seirbhísí Párolla na CSO sceidealaithe chun aistriú chuig soláthraí seirbhísí roinnte faoi 2015.
	Aistriú chuig córas bainistithe airgeadais na Seirbhíse Poiblí faoi dheireadh 2013.	Ag feitheamh le líne ama ón Roinn Caiteachais Phoiblí agus Athchóirithe.	Líne ama an aistrithe gan a bheith tugtha chun críche ag an Roinn Caiteachais Phoiblí agus Athchóirithe.
	Aistriú chuig seirbhís roinnte Acmhainní Daonna de réir tráthchláir cur i ngníomh na Roinne Caiteachais Phoiblí agus Athchóirithe.	Aistroidh an CSO a cuid próiseas Acmhainní Daonna a bhaineann le hidirbheartaíochtaí chuig an HRSSC ^[12] i mí Mhárta 2013. Tá an CSO sa chéad tráinse de Ranna/Oifigí a aistroidh chuig seirbhísí roinnte Acmhainní Daonna agus tá an-chuid acmhainní infheistithe aici i dtacaíocht don tionscadal tábhachtach seo. Sa chéad leath de 2013 díreofar Acmhainní Daonna go mór mór ar an obair a dhéantar chun aistriú rathúil a dhéanamh; ina dhiaidh sin beidh ar Acmhainní Daonna na feidhmeanna Acmhainní Daonna atá coinnithe aici a shainmhíniú as an nua. Cuirfidh an CSO na seirbhísí roinnte airgeadais i ngníomh i gcomhréir le pleananna/línte ama lárnacha.	Aistríodh seirbhísí riaracháin Acmhainní Daonna chuig PeoplePoint i mí Aibreáin 2013.

^[12] HRSSC Ionad Seirbhísí Roinnte d'Acmhainní Daonna

Sprioc 5: An tUalach a laghdú		2012	2013
Nithe insoláthartha	Bearta Aschuir		
Roghanna agus tionchair a mheas i ndáil le gach riachtanas nua staitistiúil – teaghlach agus gnó.	Tá measúnú sníofa isteach sa phróiseas pleanála suirbhéireachta gach suirbhé teaghlaigh agus gnó.	Is é atá i gceist leis an gclár athraithe ón mbonn aníos ná athchóiriú iomlán a dhéanamh ar struchtúr na suirbhéanna teaghlaigh laistigh den CSO agus tá mar sprioc aige córas atá níos éifeachtaí ó thaobh costais de a chruthú a thabharfaidh réimse faisnéise níos leithne do chustaiméirí na CSO.	Is príomhghníomhaíocht í seo le haghaidh gach tionscnamh nua a dhíríonn go háirithe ar fhoghlaim ó thaithí idirnáisiúnta.
			Aithníodh struchtúr eagrúcháin nua don Aonad Bailiúcháin Suirbhé Teaghlaigh mar chuid de Thionscadal Forbartha an tSuirbhé Teaghlaigh. Leis an struchtúr nua seo cinnteofar go ndéanfar pleanáil agus seachadadh níos éifeachtaí an tsuirbhé teaghlaigh.
	Maidir le gach riachtanas staitistiúil nua, aithin an raon ina bhféadfaí úsáid a bhaint as foinsí atá ann cheana idir fhoinsí staitistiúla agus fhoinsí riaracháin in ionad sonraí a bhailiú.	Táthar ag cuimhneamh ar leas a bhaint as foinsí sonraí nua, i.e. sonraí gutháin phóca le haghaidh staitisticí turasoíreachta. Ar siúl i gcónaí. Is é 65% an ráta freagraí leictreonacha ar an bhFiosrú Míosúil Seirbhísí.	Lárionad Sonraí Riaracháin sa ghníomhaíocht seo agus tá réimse tionscnamh nua á cur chun cinn aige chun an iliomad foinsí sonraí a chomhtháthú d'fhonn aschuir nua a chruthú.
			Déantar gach éileamh nua ar fhaisnéis a mheas i gcomhthéacs na foinsí sonraí go léir atá ar fáil.

Roghanna agus tionchair a mheas i ndáil le gach riachtanas nua staitistiúil – teaghlach agus gnó (ar leanúint).		Úsáid sonraí riaracháin a mhéadú más féidir, .i. Foilsíodh anailís fhorlíontach leis an Suirbhé Náisiúnta Fostaíochta 2009/2010 ar dhifreálachtaí Poiblí Príobháideach in 2012. D'éirigh linn sonraí na bliana 2010 a thógáil ó chomhad P35 de chuid na gCoimisinéirí Ioncaim.	
An sprioc laghdaithe ualaigh ar ghnó 2007-2012 de 25% a chomhlíonadh.	Foilsítear Baraiméadar Ualaigh Freagartha le haghaidh staitisticí gnó de chuid na CSO go bliantúil.	Baraiméadar Freagraí maidir le 2011 foilsithe ar an 23 Lúnasa 2012.	Baraiméadar Freagraí maidir le 2012 foilsithe in 2013.
	Clár gnímh leanúnach chun an t-ualach freagartha a bhainistiú agus a laghdú.	Táthar i mbun gnímh i gcónaí chun an t-ualach i suirbhéanna gnó agus talmhaíochta a laghdú. Thaispeáin an Baraiméadar Ualaigh Freagraí Bliantúil is deireanaí go raibh laghdú 19.3% tagtha ar an ualach ar ghnó ó 2005 agus laghdú 28% ó 2010.	Thaispeáin sé go raibh an t-ualach ar ghnó laghdaithe de 23.13% ó 2005 agus de 33% ó 2008. Sraith iomlán foirmeacha singil míosúla, ráithe agus bliantúla tugtha isteach ag Aonad na Mórchásanna. Laghdú suntasach ar ualach an tuairiscithe staitistiúil.
	Athbhreithniú ar roghanna um laghdú ualaigh Intrastat, i gcomhar le Eurostat.	Tá comhaontaithe ag an CSO and VIMA ^[13] comhshuirbhé ar ualach freagra a dhéanamh chun saincheisteanna cáilíochta agus cainníochta a thomhas maidir le sonraí trádála Intrastat.	

^[13] VIMA Oifig laistigh de Choimisinéirí Ioncaim a phléann le sonraí foinseacha do staitisticí trádála

<p>Leanúint le hathchothromú na bhfoinsí sonraí staitistiúla ó ghnáthpháipéar go ríomhfhoirmeacha agus athúsáid sonraí atá ann cheana.</p>	<p>Líon suirbhéanna a thugann rogha ríomhfoirme.</p>	<p>Méadaíodh ar líon na suirbhéanna a gcuireann an CSO rogha ríomhfoirme ar fáil dóibh ó 7 go 14 le linn 2012.</p>	<p>Sraith iomlán foirmeacha singil míosúla, ráithe agus bliantúla tugtha isteach ag Aonad na Mórchásanna chun comhdú leictreonach, gabháil sonraí agus próiseáil ó cheann ceann a éascú.</p>
	<p>Líon/céatadán na bhfreagróirí a bhaineann úsáid as ríomhfhormacha.</p>	<p>Tugadh ríomhfhormacha nua isteach don Suirbhé ar Chaiteachas ghnó maidir le T&F, ar Fhiosrú Bliantúil Seirbhísí, Áireamh ar Tháirgeadh Tionsclaíoch, Suirbhé ar Fhoinsiú Idirnáisiúnta, Fiosrú Ráithiúil Sócmhainní, Fiosrú Ráithiúil Cuntas & Fiosrú Ráithiúil Foirgníochta. Tá pleananna ar na bacáin líon na ríomhfhormacha do shuirbhéanna eile a mhéadú le linn 2013.</p>	<p>Cuireadh ríomhfhormacha nua leis le haghaidh na nithe seo a leanas: Áireamh Míósúil Fiosraithe Thionsclaíoch, Áireamh ar Tháirgeadh Tionsclaíoch, Fiosrú Tógála, Suirbhé Dramhaíola agus Suirbhé VIMA na gCoimisinéirí Ioncaim.</p>
	<p>Líon suirbhéanna a thugtar ar ais, bunaithe ar athúsáid na sonraí atá ann cheana, seachas ar bhailiú díreach.</p>	<p>Fuarthas beagáinín faoi bhun 20,000 ríomhfoirm ar ais ónár gcuid soláthraithe sonraí le linn 2012.</p>	<p>Tugadh breis is 32,000 ríomhfoirm ar ais an bhliain seo caite.</p>
	<p>Blódh bailiú gréasánbhunaithe san áireamh in athbhreithniú na roghanna i ndáil le Daonáireamh 2016 (Sprioc 1).</p>	<p>De dheasca srianta buiséid ní bheidh ar chumas na CSO an rogha gréasáin a thástáil in 2013 nó 2014.</p>	<p>Ní mór pleanáil agus taighde a dhéanamh go luath chun an samhla nua do chur i ngníomh Daonáirimh a phleanáil agus a fhorbairt. De dheasca cás an bhuiséid níorbh fhéidir tacú leis an obair thaighde agus forbartha a raibh gá léi idir 2012-2014 chun rogha freagraí idirlín a chur i ngníomh le haghaidh an Daonáirimh 2016.</p>

Aguisín 1 Bearta chun Ídiú Fuinnimh a Laghdú

Laghdú Ídiú Fuinnimh		2012	2013
Nithe insoláthartha	Bearta Aschuir		
Tá an CSO rannpháirteach i bhfeachtas feasachta fuinnimh i gcomhar le hOifig na nOibreacha Poiblí ó 2008. Tá baint againn leis, le Fuinneamh Inmharthana Éireann chun tuairisc a dhéanamh go bliantúil ar ár bhfeidhmíocht fuinnimh (I.R. 542 de 2009) Táimid tiomanta do chuspóir an Rialtais arb í feabhas 33% a chur ar éifeachtacht fuinnimh na hEarnála Poiblí in 2020.	Ídiú Fuinnimh a laghdú in oifig Chorcaí.		Chun ár bhfeidhmíocht fuinnimh a fheabhsú glacadh na bearta seo a leanas in 2013: córas bainistithe cumhachta deisce a thabhairt isteach chun na ríomhairí a dhúnadh síos gach tráthnóna.
			Mar thoradh ar an mbeart seo tháinig laghdú -7.3% ar ídiú leictreachais i bhfoirgneamh Chorcaí in 2013 i gcomparáid le 2012.
			Ag deireadh 2013 bhí laghdú - 19.1% tagtha ar ídiú fuinnimh agus - 21.7% ar tháirgeadh CO2 i gcomparáid le 2008.
	Ídiú Fuinnimh a laghdú in oifigí Bhaile Átha Cliath.		I dTeach Ardee tháinig laghdú -1.7% ar ídiú fuinnimh in 2013 i gcomparáid le 2012.
			I ndeireadh 2013 bhí laghdú -3.7% tagtha ar ídiú fuinnimh agus bhí laghdú -9.2% tagtha ar tháirgeadh CO2 i gcomparáid le 2008.

An Fhoireann Bainistíochta Shinsearach

